

**Meditaziun da Nadè** : la uniu dles èles invièia dütes en lünesc, ai 15.12.2014 dales 14:00 te Ciasa Runcher a na picera funziun. Al é inçe la poscibilitè da fà y dè jö l'quiz sura la Bibia fora dl sföi « Ich bin dabei ». Tolessel do, chèles che l'à ciafè.

**La Scora de Musiga Val Badia** tëgn n concert da Nadè le mercui ai 17 de dezèmbler 2014 dales 18:00 tla dlija de S.Linert a Badia. Al sona y cianta i scolars dla Scora de Musiga. Düc é dër bel invià da gnì a ascutè sö les beles melodies y cianties che vëgn portades dant.

**Informaziun dala müjiga de Badia:** tl proscimo fin dl'edema passarà n pice grup de musicontres y musicontri fora por les ciasas a Ves portè cun sües melodies les aodanzas da Nadè. En chësta ocasiun Ves gnaral inçe dè l'calènder che la müjiga à arjigné ca intratan chësc ann.

**KVW de Badia:** al vëgn portè fora chisc dis les chertes dl KVW 2015. Bel giulan danfora a chi che les cumpra y sce valgügn oress avèi informaziuns sura l'KVW o inçe apostè la "tessera" poi se mèt en contat cun Iaco Clement.

**Invit dal Raiun Sozial** a n domisdé dediché ala pitöra cun le grup "Atmosfera" en jöbia, ai 18 de dezèmbler 2014 te Raiun Sozial a Picolin. En chësta ocasiun saral Irina Tavella che inviarà dotes les interessades y i interessà a se lascè menè tl monn di corusc y dè espresciun a emoziuns. I s'inconfortun a os!

**Presentaziun:** al Museum Ladin Cïastel de Tor vëgnel presentè en domènia ai 21.12.2014 dales 15.30 le catalogh dla mostra "Le cör dla cïasa" – La stüa tla Val Badia. Tl catalogh ciafun tesç de Helmut Stampfer, Hans Griebmair y Emanuel Valentin cun de beliscimes fotografies de Alfred Erardi y Gustav Willeit y fotos da zacan tutes fora dai archifs. Düc é dër bel invià.



Tel./Fax 0471 839571 - E-Mail: [parrocchiabadia@libero.it](mailto:parrocchiabadia@libero.it) - [www.valbadiaonline.it](http://www.valbadiaonline.it)

Nr. 03

Edema: 14.12. - 21.12.2014

### Advent heißt Ankunft

Wir feiern  
die Ankunft Jesu vor 2014 Jahren.

Wir feiern  
seine Ankunft bei uns zu jeder Zeit.

Wir feiern  
seine Ankunft am Ende der Zeiten.

### Vangele dla Dumènia che vëgn - 4° de Advënt Ann „B“

Luca 1,26-33



Te chël tëmp é l'agno Gàbriel gnü menè da Idí te na cité tla Galilea dal inom Nàzaret da na viria; ara é impormetüda a n èl dla cïasa de Davide che à inom Ujöp, y l'inom dla viria é Maria.

L'agno é jü ite da d'èra y à dit: Ave, tò plèna de grazia, le Signur é cun tè. Ara s'à spordü da gnì baiada ados insciö y ara ponsà do, ci che chësc salüt dô significhé.

Ailò ti à l'agno dit: No te temèi, Maria; deache t'as ciafè grazia pro Idí. Te ciafaras y metaras al monn n möt: a d'èl desste ti mète inom Gejù. Al sarà gran y gnarà nominé Fi dl Altiscim. Dì, le Signur, ti darà le tronn de so pere Davide. Al regnarà sura la cïasa de Iacob por dagnora y süa regnanza n'arà degöna fin.

## FUNZIUNS SACRES

### 14.12. III. DUMÈNIA de ADVÈNT / Ann B

- 10.00 Mèssa por la Comunità  
14.00 Benedisciu capela dla rô y dedò mèssa rengraz. a Oies  
**19.30 RORATE por la Uniun dles Èles** (cianta l'cor Kèrygma)  
†ta Eveline Rudiferia - aniversar  
†to Romedio Irsara - aniversar  
†ta Marcella Pallestrong - aniversar



15.12. Lünesc

**07.30 Les Laudes**

16.12. Mertesc

**19.30 RORATE por l'cor de dlijia** (cianta l'cor de dlijia)  
†to Franz Pescollderungg - aniversar  
†ta Maria Pitscheider Valentin  
por fam. Linert y Maria Irsara

17.12. Mercui

**07.30 RORATE** cun i scolars – **por la pêsc**  
†to Franz Burchia - aniversar  
†ta Paola Valentin da Pransarores  
†ta Emma Valentin Frenademetz

18.12. Jöbia

**19.30 FUNZIUN PENITENZIALA** (cianta l'cor di ëi)

19.12. Vëndres

**19.30 RORATE por chi dai confaruns** (cianta l'terzet)  
†ti Paul y Afra Declara - aniversar  
†ta Angela Valentini de Pic'Tita – aniversar  
†ti Paulin y Rita Irsara

20.12. Sabeda

16.00 Mèssa a Oies  
**19.30 RORATE p.minis,schira ionila y crejimà/né** (scora mÿjiga)  
†to Paul Irsara da Coz / †to Tino Dapunt  
†ta Carmela Thaler

### 21.12. IV. DUMÈNIA de ADVÈNT / Ann B

- 10.00 Mèssa por la Comunità  
**19.30 RORATE por moré di ultimi 10 agn** (cianta l'cor Kèrygma)  
†to Milio Valentini da Pedraces – aniversar  
†ta Angela Irsara de Piz - aniversar  
†to Armando Bertoldi - aniversar  
†ti de Florian y Lucia Sottara



## Dala VITA dla CÛRA

### **Penitenziala - Confesciuns por Nadè**

L'Advènt é n tèmp de preparaziun al Nadè de pêsc y felizité. M'ai bele arjigné ca ? Cun i «Rorate»... y spo pa ciàmò ? Por la Cöra intiera tignunse en **jöbia**, ai 18/12 dales 19:30 te dlijia na **funziun penitenziala** y spo de vëndres, sabeda y dumènia dales 18:30 dan Mèssa ocajiun da **se confessé** y laprò en Vöia de Nadè.

### **Lëtra dl Vësko sura la Familia**

Por Nadè à nosc Vësko scrit söl tema dla **familia**. Tla stampa y t'internet söl sito dla diozeja pon li la lëtra deplëgn. Te dlijia la liunse dant en chësta dumènia, mo ma n toch,

*Siur Degan*



**Marëna dla jënt atëmpada** : l'Cunsëi de CÛra inviëia düc i berbesc y les mèdes en chësta dumènia, ai 14.12.2014, do mèssa grana, a jì te Ciasa dles Uniuns, olache al sarà la « **tradizionala marëna da Nadè** ».

**Capela dla Rô** : chësta dumènia, ai 14.12.2014 sarà dales 14:00 a Anvi la benedisciu dla Capela y dedò na Santa Mèssa de rengraziament a Oies. Düc é invià.



Sëgn de dezëmber sarà l'ora de adoraziun dl grup « **Umes prëia deboriada** » bele en lünesc, ai 15.12.2014 dales 20:00 te dlijia. Düc é invià a tó pert.

**Bibelrunde** : düc i jogn é invià ala « Bibelrunde » cun siur Sepi Granruaz en mercui, ai 17.12.2014 dales 20:00 tl salf di jogn.

**Oraziun de Taizè** : ala sarà indò en vëndres, ai 19.12.2014 dales 20:00 te capela a Oies. Toleda pert.

**Oferta de Advènt – « Adventopfer 2014 » por la Diozeja** chësta dumènia, ai 14.12.2014 tratan les mësses. Do chësta prëia l'Ufize de Aministraziun dla Diozeja por podëi finanzié les tröpes ativëtés inçe a sorvisc de nosta CÛra.